

## C A P U T    X X X I I I .

Wie man alle Metallen vnd Mineralien  
in Flores sublimiren soll: Und worzu  
solche dienen.

Die Flores der Metallen vnd Mineralien seynd  
bißhero noch nicht im Gebrauch gewesen / auß,  
genommen die Flores Antimonii vnd Sulphuris ,  
welche gern steigen / seynd von den Chymicis ge-  
macht worden. Andere fixere Mineralia vnd Me-  
talla aber haben sie sich nicht vnderstanden zu subli-  
miren / sondern haben dieselbe in Corrosivischen  
Wassern außgelöſt / vnd mit einem contrario  
Menstruo, oder liquore Salis Tartari præcipitiret,  
edulcoriret vnd getrucknet ; Solches haben sie  
Flores Metallorum genandt.

Meine Flores aber davon ich schreibe / werden  
für ein solche Materi verstanden / welche nemlich  
ohne addition, durch Gewalt des Feuers über sich  
getrieben in ein leicht / subtil vnd zart Pulver / wel-  
ches zwischen den Zähnen nit knirft / noch in den  
Augen gespüret wird ; welche meines erachtens für  
Flores können angenommen werden / hergegen die  
andern mehr corporalisch sind / vnd können so wol  
nit außgesüßt werden / sie behalten noch eine Sal-  
zigkeit bei sich / welches auß dem gewachsenen Ge-  
wichte nach der Bereitung kan gemerckt werden /  
derohalben vntüchtig in die Augen / oder andere  
darte Darter zu gebrauchen.

Herr